



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. XXIX. De Fratre Poppone Secundo Magistro terrae Pruschiae.

urn:nbn:de:hbz:466:1-11850

*Hermannus de Saltza IV. Magister Ord. Teut. General.
Hermannus de Balke I. Mag. Prov. in Prussia.*

Ordinis illius admitteretur. Tractum est negotium illud per aliquod tempus, donec Volquinus in prælio à barbaris occisus esset. Non desistit tamen conjunctionem hanc Ordinum urgere Albertus Episc. Rigensis, svaforibus & adiutoribus Engelberto & Theodorico Tisenhusis Episcopi cognatis. Tandem An. 1234. ut vult Bangertus, vel An. 1238. ut vult Schuzius noster, non à Conrado V. Ord. Teuton. Magistro Generali, ut putat Bangertus, sed ab Hermannò à Salza referente Dusburgio, recepti sunt Ensiseri in Ordinem Teutonicum. Reliqua pete ex Dusburgio. Ex illo tempore Magistri Livonici cum fratribus suis, Magistro Generali Ord. Teutonici in Prussia fuerunt subiecti, usque ad Albertum Marchionem Brandenburgensem Magistrum Ordinis ultimum, qui jugum Polonicum excussurus, ne nervus rerum gerendarum deficeret, acceptâ à Walthero Plettenbergio Magistro Livoniæ Provinciali certâ pecuniæ summâ, Fratres Livonicos planè ab imperio Ordinis Teutonici Anno 1513. liberavit, Vid. David Chytraus in *Saxonia*.

CAP. XXIX.

De

Fratre Poppone Secundo Magistro terra Pruschia.

FR. (a) Poppo de Osterna Magister terræ Pruschia secundus prafuit VII. annis & resignans officium suum ad partes Teutoniae est reversus, & non longè post in Magistrum generalem electus.

ANIMADVERSIO.

AD CAP. XXIX.

(a) Ut ex Dusburgio apparet, Poppo de Osterna Magistratu hoc functus est vivente adhuc Hermannò de Saltza Magistro Generali. Conf. *infra cap. XXXIII.* Sed si Grunovium consulamus, tradit ille Popponem missum esse ab Henrico Comite de Hohenloë Magistro

aro

*Hermannus de Saltza IV. Ord. Teut. Magister Gener.
Hermannus de Balke I. Magister Provincialis Prussiae.*

stro generali post fata Hermanni de Saltza. Et certè licet Grunovio in annis computandis non ubiq; licuerit esse accurato, cum in antiqvis Chronicis, quibus ipse usus est, numeri fuerint variè corrupti, (quapropter etiam errores in numeris commissos ipse deprecatur *in præfat. Chronici sui.*) in hoc tamen mihi non videtur errare. Cognoscimus hoc ex Privilegio primo Civitatis Elbingensis Anno 1246, ab Henrico C. de Hoeloe, quem tamen Dusburgius noster prorsus omittit, concessio: Subscriptio dicti Privilegii ita se habet: *Fr. Henricus de Hoenlob Hospitalis S. Mariae Teutonicorum Hierusalem Minister humilis &c.* Inter testes Privilegio huic nomina sua apposuerunt: Fr. Heidenricus honorab. Ordinis Prædicatorum Culmensis Episcopus, Frater Albertus Ordinis minorum, Frater Poppo Magister Prussiae, Henricus Marschallus &c. Conf. hic Index Magistrorum generalium & Provincialium, ut & notæ ad Vitam Conradi Landgr. Hassiæ. Jeroschinus Popponem hunc dicit fuisse satis laudabilem *fol. 46.* Recentiora autem Chronica Apostasiam Prussorum ejus sævitæ & injustitiæ tribuunt, ut ad cap. XXXII. dicitur.

CAP. XXX.

De

*Vario defectu fratrum & Christi
fidelium in Prussia.*

IN primitivo fratres & alii Christi fideles in terra Prussiae multiplicem & incredibilem defectum passi sunt in cibo & potu & vestitu & aliis vitæ humanæ necessariis, si ipsi fortè aliquos agros colere volebant, hoc fieri non potuit, nisi noctis tempore, & quid ipsi seminaverunt cum magno periculo & labore, alii introeuntes labores ipsorum metebant, & ecce mira gratia Dei fuit in eis. Ipsi enim ducebant pro deliciis, cum talia pro Christi nomine paterentur, aut & si biberent calicem salutiferæ passionis.

P 3

CAP.